

# Ferðir

LAUGARDAGUR 6. MAÍ 2017

Kynningar: Gaman Ferðir



Boðið verður upp á skemmtilegar ferðir til Sitges, rétt utan við Barcelona í haust.

# Farðu út með Gaman Ferðum

Ferðaskrifstofan Gaman Ferðir býður upp á fjölbreytt úrval ferða til sólarlanda í sumar. Aldrei hefur verið meira að gera.



## Framhald af forsiðu →

Ferðaskrifstofan Gaman Ferðir sérhæfði sig í upphafi í fót-bolta-, tónleika- og hópferðum en hefur síðastliðin þrjú ár komið sterk inn á sólarlandamarkaðinn. Ingibjörg Elsa Eysteinsdóttir, forstöðukona sólar- og sérferða, segir ljóst að landsmenn ætla sér í sólina í sumar. „Það lítur út fyrir að annar hver maður ætli í sólina í sumar. Það er mikið bókað hjá okkur og aukningin milli ára hefur farið langt fram úr væntingum,“ segir Ingibjörg. Ferðaskrifstofan býður upp á þó nokkra áfangastaði á Spáni en Tenerife er sá allra vinsælasti. „Tenerife er bara svo frábær áfangastaður sem hægt er að ferðast til allan ársins hring.“

Ingibjörg segir mikla áherslu lagða á að bjóða vandaða og góða gistaði á Tenerife. „Sá allra vinsælasti heitir Green Garden Resort & Suites. Þetta er fjögurra stjörnu íbúðahótel og er á lista yfir topp 25 bestu hótelin á Spáni í flokki fjölskylduhótela. Þetta er fjölskyldu-paradís Gaman Ferða. Síðustu daga höfum við verið að nota samfélagsmiðilinn Snapchat (gamanferdir) þar sem að hann „Kalli okkar“ hefur verið að snappa og sýna hotelið. Það má nánast segja að það sé verið að slást um síðustu lausu íbúðirnar í sumar og fólk er að leggja inn pöntun fyrir næsta sumar, 2018, enda verður enginn svikinn af því að dvelja á Green Garden.“

Af öðrum sólaráfangastöðum Gaman Ferða nefnir Ingibjörg Lloret de Mar, Salou, Albir og Benidorm sem hún segir alla standa fyrir sínu. „Þar leggjum við líka sérstaka áherslu á að bjóða upp á góða íbúðagistingu og vonduð hótél. Í september og október ætlum við svo að beina fólk til Sitges en það er einstaklega fallegur og skemmtilegur strandbær sem er aðeins 30 km frá Barcelona-flugvelli. Það er tilvalið að lengja sumarið og taka langa helgi í Sitges sem stundum hefur verið nefnt Saint Tropez Spánar. Í Sitges er fjölbreytt menning og skemmtilegt næturlíf. Staðurinn er mikið sóttur af samkynhneigðum en öllum þykir afar gaman að koma þangað. Við erum með flotta gistaði og þar eru margir góðir veitingastaðir, kaffihús og klúbbar sem gaman er að prófa,“ segir Ingibjörg.

## Tónleikasumar

Ingibjörg segir sannkallað tónleikasumar fram undan hjá Gaman Ferðum. „Við erum að fara með tæplauga tvö hundruð manns á Adele í London í júlí en auk þess erum við með ferðir á Ed Sheeran í júní og á U2 í júlí.“ Ingibjörg segir boðið upp á VIP-miða sem tryggja góða staðsetningu og VIP „lounge“ fyrir og eftir tónleika sem sé afar vinsælt.



Hjá Gaman Ferðum er lögð rík áhersla á að bjóða vandaða og góða gistaði.

## Heilsu-, jóga- og brimbrettaferðir

Heilsu- og jógaferðirnar eru líka vinsælar sem aldrei fyrr. „Við erum að fara í þá fyrstu til Albir um næstu helgi en förum svo í jógaferð til Tossa de Mar í júní. Báðar þessar ferðir seldust upp hjá okkur og því bjóðum við upp á sams konar ferðir aftur í haust. Svo erum við með tvær nýjar og spennandi heilsuferðir. Sú fyrri verður í september og ber yfirskriftina „Vítamín fyrir veturinn“. Gurrý, framkvæmdastjóri Reebok Fitness, og Auður Harpa, danskennari í Reebok, leiða hana. Farið verður til ítölsku Alpanna og lögð áhersla á hugleiðslu og jóga. Þá bryddum við upp á þeirri nýjung að bjóða brimbrettaferð til Tenerife í nóvember. Þar erum við að tala um sjö daga ferð á fjögurra stjörnu lúxushótel sem er aðeins fyrir fullorðna. Boðið verður upp á brimbrettakennslu á hverjum degi og jóga á morgnana auk þess sem farið verður á svokölluð „Stand up Paddle Board“. Aðspurð segir Ingibjörg nóvember háannatíma á Tenerife og að þar sé hægt að vera allan ársins hring. „Þar eru líka alveg geggjaðar öldur.“

## Melia Villaitana – heimavöllur Gaman Ferða í Alicante

Ingibjörg segir ekki heldur mega gleyma að minnst á golfferðirnar en haustferðirnar voru að koma í sölu og verða í boði í október. „Við erum á Melia Villaitana í Alicante, sem við köllum heimavöllinn



Ingibjörg segir líta út fyrir að annar hver Íslendingur ætli í sólina í sumar.



Vinsælasti gistaðurinn á Tenerife er Green Garden Resort &amp; Suites og er nánast slegist um íbúðirnar.

okkar, en okkar maður, Jón Karlsson eða Nonni golf, er fararstjóri og golfkennari Gaman Ferða. Við höfum fengið frábærar viðtökur við golfferðunum okkar og það er klárt mál að þessar ferðir munu seljast upp,“ segir Ingibjörg.

Gaman Ferðir hafa alltaf lagt mikla áherslu á fótboltaferðir. „Enski boltinn fer í sölu 14. júní og þá koma allar ferðirnar inn. Í september ætlum við svo með fulla vél til að styðja strákana okkar í undankeppni HM í Finnlandi. Þá geta menn slegið tvær flugur í einu hóggi en sama dag leikur íslenska karlalandsliðið í körfubolta við Pólland í Helsinki og fylgir miði á þann leik með í kaupunum. Það verður því sannarlega mikil stemming í Finnlandi þessa helgi.“

## Lúxussiglingar, mexíkóska Rívieran og Karibahaf

„Í haust verðum við með tvær sannkallaðar lúxusferðir. Þetta eru skemmtisiglingar sem svíkja engan. Fyrri ferðin verður farin í september en siglt verður frá Los Angeles til Mexíkó. Seinni ferðin verður farin í lok október en þá verður siglt frá Miami um Karibahaf.“ Að sögn Ingibjargar er um að ræða virkilega spennandi áfangastaði og mjög gott verð. „Þá erum við með reynslumikla fararstjóra sem sjá til þess að upplifunin verði sem eftirminnlegust.“

## Borðtennismót á föstudögum

Gaman Ferðir eru til húsa að Bæjarhrauni 14 í Hafnarfirði. „Eins og nafnið gefur til kynna þá viljum við hafa gaman hjá okkur. Við erum með reynslumikla starfsfólk hjá okkur úr ferðageiranum og leggjum mikla áherslu á að veita faglega en umfram allt skemmtilega þjónustu. Við kappkostum að svara viðskiptavinum okkar nánast á hvaða tíma sólahringsins sem er. Við notumst mikið við Facebook og hvetjum fólk til að senda okkur fyrirspurnir þangað. Það er nánast alltaf einhver á vaktinni til að svara,“ upplýsir Ingibjörg.

Þó mikið sé að gera hjá Gaman Ferðum gefur starfsfólkkið sér alltaf tíma á föstudögum til að spila borðtennis. „Þá höldum við borðtennismót þar sem allt er lagt undir og keppt er um titilinn borðtennismeistari vikunnar. Viðskiptavinir eru hjartanlega velkomnir að kíkja í heimsókn til okkar á föstudögum og spila við okkur. Ef þeir vinna fá þeir afslátt af ferð.“

Skrifstofan er opin milli níu og fimm virka daga. Allar nánari upplýsingar er að finna á [gaman.is](http://gaman.is)

## Hamingjan kemur innan frá. Bio-Kult góðgerlar styrkja meltinguna - Öflug melting og betra jafnvægi -

## Bio-Kult Candéa

Góðgerlar sem styrkja meltinguna og vinna gegn fjölgun Candida sveppsins í meltingarvegi.

**Inniheldur:** Góðgerlablöndu af 7 sýrupólum gerlastrengjum, hvítlauk og grape seed extract.



## Bio-Kult Original

Öflug blanda góðgerla sem byggir upp þarmflórana og styrkir varnir líkamans.

**Inniheldur:** Góðgerlablöndu af 14 sýrupólum gerlastrengjum.



## Bio-Kult Pro-Cyan

Styrkir þvagrásina og virkar sem öflug vörn gegn þvagrásarvandráðum.

**Inniheldur:** Góðgerlablöndu af 2 sýrupólum gerlastrengjum, trónuberjabykkni og A-vítamín.



## Bio-Kult Infantis

Góðgerlar fyrir börn á öllum aldri. Eflir þarmflórana, án allra aukaefta og er bragðlaust.

**Inniheldur:** Góðgerlablöndu af 7 sýrupólum gerlastrengjum, Omega 3 og D3-vítamín.



Veldu það besta fyrir þína meltingu. Fæst í öllum apótekum, heilsuverslunum og heilsuhillum stórmarkaðanna. Nánari upplýsingar á [www.icecare.is](http://www.icecare.is)

# ONE Traveller passar þér vel í útlöndum

Fyrir 690 kr. daggjald færðu ótakmarkaðar mínútur og SMS, 500 MB gagnamagn á dag og getur notað 4G reiki í yfir 40 löndum víðsvegar um heim. Vertu áhyggjulaus í snjallsímanum á ferðalögum þínum erlendis.

Komdu í Vodafone ONE og njóttu ávinnings í hverju skrefi

**Vodafone**  
Við tengjum þig



Vodafone  
**ONE**



hvorki meira né minna

# Mikil matarupplifun í Afríku

Þráinn Freyr Vigfússon matreiðslumaður hélt nýlega í ævintýraferð til Marokkó og Míritaníu í norðvesturhluta Afríku. Markmið ferðarinnar var að kynna matar- og vínmenningu landanna. Bragðgóð krydd og góð brauð einkenna meðal annars matarmenningu beggja landa.

Starri Freyr  
Jónsson  
starri@365.is



Þráinn Freyr Vigfússon, fyrrverandi yfirmatreiðslumaður í Bláa lóninu og Kola-brautinni, hélt nýlega til Marokkó og Míritaníu í norðvesturhluta Afríku með það að markmiði að kynna matar- og vínmenningu landanna. Upphaflega var ferðinni bara heitið til Marokkó en betri ferðahelmingur hans, Katrín Sif Einarsdóttir, vildi einnig heimsækja nágrennalandið Míritaníu. „Katrín Sif ferðast mikið og hefur það markmið að heimsækja 200 lönd fyrir þrítugt. Það er reyndar álitamál hversu mörg lönd eru til, það fer allt eftir því hvernig er talið. Hún hafði a.m.k. ekki komið til Míritaníu þannig að við ákváðum að nýta ferðina og skella okkur til höfuðborgar landsins, Nouakchott.“

Þráinn segir matargerð þessara tveggja landa einkennast af kryddum og góðum brauðum. „Kryddin tala alveg fyrir sig og skila sér í mjög bragðgóðum mat. Matreiðslan á þessu svæði er mjög holl og heimamenn nota lítið af smjöri og rjóma en þeim mun meira af olívuolíu, grænmeti og jógúrt.“

Ferðin hófst í Marrakesh í Marokkó þau sem þau upplifðu fráþæra stemningu á útímörkuðum borgarinnar. Næsti viðkomustaður var Nouakchott í Míritaníu sem þráni fannst mjög spennandi upplifun. „Við stoppuðum stutt þar en náðum að kynna fiskmarkaðinum, höfninni og ströndinni þar sem fiskibátar lágu eins langt og augað eygði og heimamenn stunduðu mjög frumstæðar aðferðir við veiðar.“



## Kefta stóð upp úr

Næst var flogið til Casablanca í Marokkó en þaðan héldu þau til borganna og bæjanna Meknes, Fez, Rabat og Meknes. „Það var mjög gaman að skoða sveitir og minni bæi og kynna t.d. tagine, kefta, beghrir og mörgu fleiru á leiðinni. Ég smakkaði t.d. ótrúlega góðan

kefta-rétt í Maknes og man enn bragðið og hvað lambhakkið var vel kryddað og hæfilega fitumikið. Kefta samanstendur yfirleitt af hökkuðu kjöti, kryddi og lauk og er algengur réttur víða um heim, t.d. á þessum slóðum.“

Í það heila var Marokkó mikil matarupplifun og var mjög

Besta kefta-réttinn sem Þráinn Freyr hefur smakkað fékk hann í Meknes.



Bakari í Volubilis keyrir úr brauðin sín.

Ég smakkaði t.d. ótrúlega góðan kefta-rétt í Maknes og man enn bragðið og hvað lambhakkið var vel kryddað og hæfilega fitumikið.

Þráinn Freyr  
Vigfússon



gaman að ferðast um sveitir og borgir landsins til að kynna matarhefðum landsmanna. Míritanía var einnig mjög spenn-

andi land að sækja heim með flottum mat en um leið mjög lokað land og því erfitt kynna hefðum með sama hætti og í Marokkó.“

Næst á dagskrá hjá Þráni Frey er að opna veitingastaðinn Sumac Grill + Drinks á Laugavegi 28 síðar í þessum mánuði. „Vonandi opnum við á afmælisdaginn minn, 24. maí en sjáum til hvort það tekst. Þar er ég akkúrat að fá innblástur frá Marokkó og Líbanon. Allt kryddið verður þar, geðveiku grilluðu flatbrauðin, hummusinn og margt fleira sem gerir þessa matreiðslu spennandi og heilsusamlega. Svo ætlum við að hafa á boðstólum vín og kokteila með kryddi frá þessum löndum.“

# Star Wars hótél rís í Flórída

Milljónir aðdáenda Star Wars myndanna um allan heim geta glaðst þar sem nú stendur til að opna skemmtigarða og hótél tengd myndunum.

Elin  
Albertsdóttir  
elin@365.is



Þessir nýju Disney-garðar verða opnaðir eftir tvö ár en þar getur fólk lifað sig inn í kvikmyndaheim Star Wars. Risahótélbygging verður reist í garðinum í Orlando í Flórída. Fyrirmynd hótelsins verður Millennium Falcon geimskipið. Gestir á hótelinu eiga að finna fyrir figúrnum úr myndunum allt í kringum sig. Þá verða ýmsar leynilegar uppákomur fyrir gesti á hótelinu og í garðinum. Meðal annars eiga þeir sem dvelja þarna í tvo daga von á ýmsum spennandi og óvæntum atvörum.

Á veitingastað hótelsins fá gestir mat og drykk með vélmennum. Frá gluggum hótelsins verður hægt að virða fyrir sér Star Wars heim. Það verður sannkallað Star Wars þema á þessu skemmtilega hóteli sem ætti að gleðja alla aðdáendur, stóra sem smáa.

Star Wars myndir hafa verið teknar upp á átján spennandi stöðum í heiminum, þar á meðal á Íslandi, Írlandi og í Abu Dhabi. Ekki er vafi á því að fjölgun ferðamanna til Íslands er ekki síst að þakka þeim kvikmyndum sem teknar hafa verið hér á landi á undanförunum árum.

Star Wars hótelið verður mikil paradís. Glæsileg sundlaug í garðinum, vatnagarður og líkamsræktarstöð. Hægt verður að hlýða á lifandi tónlist daglega í garðinum. Ekki er ólíklegt að sú tónlist tengist bíómyndunum. Herbergin verða skemmtilega útbúin í misjöfnum stærðum með glæsilegu útsýni yfir Star Wars garðinn. Það verður ekkert sérstaklega ódýrt að búa í þessari paradís. Talið er að tvær nætur með öllu inniföldu kosti um 95 þúsund krónur. Innifalinn er aðgangur að Disney World í Orlando.

Þangað til þessi paradís verður að veruleika í Flórída geta aðdáendur átt þann kost að dvelja á



Sidi Driss hótelinu í Túnis sem aðdáendur munu kannast við sem æskuheimili Luke Skywalker, Tatooine. Fullt af skemmtilegum hlutum frá upptökum á myndunum eru þar enn til staðar, jafnt

inni í hótelinu og fyrir utan það.

Þess má geta að í fyrradag, 4. maí, var alþjóðlegur Star Wars dagur sem margir fagna árlega. Fyrsta Star Wars myndin var sýnd árið 1977. Aðalpersónur myndarinnar

eru Luke Skywalker sem leikinn er af Mark Hamill, Han Solo sem leikinn er af Harrison Ford, Leia prinsessa, leikin af Carrie Fisher og Svarthöfði, leikinn af David Prowse.

Star Wars ævintýrargarðurinn í Flórída verður glæsilegur og afar spennandi.



## Persónulegt rými misjafnt eftir þjóðerni

Flestir kannast líklega við þá tilfinningu þegar fólk stendur of nálægt og ryðst þannig inn í persónulegt rými viðkomandi. Ný rannsókn sýnir að hugmyndir fólks um persónulegt rými fari að stórum hluta eftir þjóðerni. Rannsóknin bar heitið „Preferred Interpersonal Differences: A Global Comparison“ og birtist í tímaritinu Journal of Cross-Cultural Psychology. Rætt var við 8.943 þátttakendur frá 42 löndum til að finna út hversu nálægt þeir gætu verið annarri manneskju án þess að þykja það óþægilegt. Niðurstöðurnar voru afar mismunandi eftir þjóðerni fólks. Þannig virtust Rúmenar meta sitt persónulega rými mest en Argentínumenn minnst.

### Listi yfir þjóðir með lítið persónulegt rými

Argentínumenn - 77 cm	Slóvakar - 89 cm
Búlgarar - 81 cm	Rússar - 89 cm
Úkraínúmenn - 86 cm	Grikkir - 91 cm
Austurríkismenn - 88 cm	

### Listi yfir þjóðir sem vilja mikið persónulegt rými

Rúmenar - 140 cm	Úgandamenn - 122 cm
Ungverjar - 131 cm	Pakístanar - 120 cm
Sádi-Arabar - 127 cm	Eistar - 118 cm
Tyrkir - 123 cm	



## Gott að muna fyrir friði

Áður en haldið er af stað í ferðalag er að mörgu að huga. Skynsamlegt er að kaupa ferðatryggingu og taka myndir eða afrit af öllum mikilvægum gögnum eins og vegabréfi ef það skyldi týnast. Vegabréf, lyf, aukabatteri fyrir myndavélina, aukahleðslutæki fyrir símann og sólarvörn ætti allt að vera í handfarangri. Auk þessi er ráð að setja aukanárföt og sokka í handfarangurinn ef töskurnar skyldu ekki skila sér á réttum tíma. Auðvitað er vel hægt að kaupa nýtt en með þessu móti sparast tími og peningar. Þar sem oftast þarf að borga fyrir hverja tösku er gott að skipuleggja vel hverju pakkað er niður og hafa í huga að velja saman þægileg fót sem passa vel saman og auðvelt er að þvo. Þegar á áfangastað er komið er sniðugt að spyrja innlenda hvaða veitingastað þeir mæli með, hvar sé hagstætt að versla og hvar bestu kaffihúsin eru.



## Morgungöngur alla vikuna

Ferðafélag Íslands stendur fyrir morgungöngum alla næstu viku, 8. til 12. maí. Gengið verður á fjöll í nágrenni Reykjavíkur klukkan sex að morgni og til baka fyrir klukkan 9. Þetta er 13. árið í röð sem FÍ stendur fyrir morgungöngum sem hafa átt miklum vinsældum að fagna. Fararstjórar eru Páll Guðmundsson og Auður Kjartansdóttir en þátttaka er ókeypis og allir eru velkomnir.

**Mánudagur:** Helgafell ofan Hafnarfjarðar. Gangan hefst við Kaldársel.  
**Þriðjudagur:** Reykjaborg. Gangan hefst við bílastæði norðaustan við Hafravatn.  
**Miðvikudagur:** Haukadalshöll. Gangan hefst við neðan við Hrafnhóla.  
**Fimmtudagur:** Vífilfell við Sand-skeið. Gangan hefst við malar-námur við rætur fjallsins.  
**Föstudagur:** Úlfarsfell. Gangan hefst við bílastæði skógræktar við Vesturlandsveg.

# ÓMISSANDI FERÐAFÉLAGI

171 Ísland: Áfangastaðir í alfaraleið er stóra systir hinna gríðarvinsælu 101 Ísland og 155 Ísland, verulega endurskoðuð og aukin. Þetta er stórskemmtileg, fróðleg og gagnleg ferðahandbók.



PÁLL ÁSGEIR ÁSGEIRSSON er landskunnur fararstjóri, útivistar-maður og ferðabókahöfundur.





Fanney í Glen Coe dalnum.



Isle of Castle. MYNDIR/FANNEY SIZEMORE



DeanVillage



Eileandonan Castle

# Vel hægt að ferðast ódýrt

Fanney Sizemore eyðir hverri aukakrónu í ferðalög til útlanda. Undirbúningur sé lykillinn að ódýrri ferð.

Ragnheiður Tryggvadóttir  
heida@365.is



Ég er með algjöra ferðabakteríu og ligg yfir Dohop og skoða ódýr flug frá Íslandi. Ég tók þá ákvörðun að leyfa mér ekki mikið herna heima og eyða aukakrónunum frekar í ferðalög,“ segir Fanney Sizemore, myndskreytir og leikmunahönnuður hjá Borgarleikhúsinu.

„Það er tiltölulega ódýrt að ferðast í augnablikinu, sérstaklega ef maður gerir sér far um að leita að ódýrum flugferðum og gista á hosteli eða ódýrum hótélum.

Ég fór í vikuferð til Skotlands um páskana: flug, gisting í sjö nætur á hosteli og þriggja daga ferð um hálendið kostaði mig samtals 50 þúsund krónur! Ég nota yfirleitt Booking til þess að leita að gistingu,“ segir Fanney. Hún undirbúi ferðirnar vel og haldi vali á áfangastað opnu.

„Mér er tiltölulega sama hvert ég fer, á eftir að sjá svo marga staði. Ég byrja oft á að fljúga til borgar og er þar í tvo til fjóra daga en finn síðan falleg þorp eða fer út í náttúruna,“ segir Fanney. Hún hafi litla þolinmæði í afslöppun.

„Það er eins og ég sé með koffín í æð þegar ég fer til útlanda, geng út um allt, skoða og fræðist eins mikið og ég get. Enda er fólk hissa á því hvað ég næ að gera mikið. En það er hægt að gera svo margt þegar maður hangir ekki á barnum, á ströndinni eða í verslunum,“ segir hún spök.

„Ég leggst yfirleitt í rannsóknarvinnu á netinu áður. Skoða ferðablogg og gúgla áhugaverða staði og hvernig best og ódýrast er að komast þangað. Merki svo inn á kort í Google maps allt sem mig langar til þess að gera. Ég er meira að segja með nokkur merkt kort



Fanney Sizemore feðaðist í sjö daga um Edinborg og skosku hálöndin.

af stöðum sem sem mig langar að skoða í framtíðinni,“ segir Fanney. Hún ferðast yfirleitt ein og líkar það vel.

„Það verður svo mikið úr

tímanum þegar ekki þarf að taka tillit til neins annars. Ég gisti oft á hostelum og þar kynnist maður fólki. Einnig leita ég oft uppi lindy hop danskvöld hvert sem ég fer

og það er góð leið til þess að hitta fólk. Ég var ein í Edinborg en ákvað að panta mér skipulagða hópferð með Macbackpackers um skosku hálöndin í þrjá daga. Fannst það hagkvæmasta leiðin þar sem mig langaði að skoða svo margt og treysti mér ekki til þess að keyra á vinstri vegarhelmingi. Þetta var alveg frábær ferð og ég lærði mikið um skoska menningu og sögu. Hópurinn kom við á Culloden-vígvellinum, þar sem síðasta orrusta Englendinga og Jakobíta var háð, stoppaði við Loch Ness, en ekki sást þó til Nessie. Við ferðudumst um Isle of Skye og fórum í tvær litlar fjallgöngur meðal annars upp að Old Man of Storr. Uppáhaldið mitt var líklega Glen Coe dalurinn.“

Ferðastu mikið innanlands?

„Ég vildi að ég gæti það en það er dýrt. Ég er ekki á bil og það er ódýrara fyrir mig að finna flug og eyða viku í útlöndum heldur en að ferðast með strætó eða rútu um Ísland og borða hér í viku. Hvað þá ef ég ætlaði að kaupa gistingu. Ég er að fara til Hull á lindy hop festival og fékk flug fram og til baka til London á 10 þúsund krónur. Það er ódýrara en strætó eða ódýrasta flugið frá Reykjavík til Egilsstaða.“



\* Gulir blettir af völdum sólarvarna nást betur úr, í samanburði við fyrri formúlu.

## Ferðamannaskattur settur á í Botsvana

Mikið hefur verið rætt um möguleika Íslands á að rukka gjöld af ferðamönnum til uppbyggingar ferðamannastaða. Ýmsar borgir og lönd hafa farið þá leið að rukka ferðamenn um sérstakan skatt, þar má til dæmis nefna Róm, Flór-ens og Dubrovnik. Nýverið tóku stjórnvöld í Botsvana í Afríku þá ákvörðun að rukka alla ferðamenn um 30 dollara, eða um þrjú þúsund krónur, við komuna til landsins. Undanskildir eru þó íbúar innan

SADC-rikkanna í Afríku sem eru 15 lönd í suðurhluta álfunnar.

Mikil andstaða var við gjaldið meðal fyrirtækja í ferðamanna-íðnaðinum. Hugmyndin var fyrst kynnt til sögunnar á síðasta ári en gjalddökunni frestað vegna mót-mæla samtaka í ferðaþjónustu í landinu, Hatab. Nú hefur þó verið ákveðið að rukka alla ferðamenn um gjaldið frá 1. júní og verður það greitt við komuna til landsins, á flugstöðvum og við landamæri.

Landið er afar vinsælt meðal

ferðamanna sem leita helst eftir því að sjá ljón, fila, buffalóa, hlé-barða og nashyrninga í safariferð-um. Þá þykir ómissandi að fara til Okavango-óshólmanna sem sagðir eru eitt af sjö náttúruundrum Afríku.

Alls sækja 1,6 milljónir ferðamanna Botsvana heim ár hvert og gert er ráð fyrir að fjórir og hálfur milljarður króna safnist með hinum nýja skatti. Peningurinn á að fara í verndun landsins og uppbyggingu ferðamannastaða.



## Bónorð um borð!

Ferðalög elskenda eru sveipuð dýrdarljóma og botnlausri rómantik. Því er ekki fráleitt að bera fram bónorð í háloftunum á leið í paradís. Svona ferðu að því:

- Veldu lengra flug en styttra til að geta sótrað kampavín, horfst í augu og lengt sem mest í dýr-mætu augnablikinu.
- Gættu hringins sem sjáaldurs augna þinna. Feldu hann vandlega í handfangri sem þú lætur ekki úr auglýsni.
- Fljúgðu á fyrsta farrými ef buddan leyfir. Bónorð kallar á finustu aðstæður og þjónustu og líkurnar á já-i aukast!
- Láttu yfirflugfreyjuna vita af áætlun þinni til að fá vitneskju um hvenær bestur tími gefst til bónorðsins og til að undirbúa kampavínið þegar stundin kemur.
- Reiknaðu með lófaklappi farþega því líklega flýgur fiskisagan hratt um borð. Að fara á skeljarnar skýjum ofar skapar ógleymanlega minningu.



## Hættulegustu borgir í heimi

Það er alltaf gaman að ferðast, skoða heiminn og víkka út sjóndeildarhringinn. Hins vegar eru nokkrar borgir svo hættulegar að ferðamönnum er ráðið frá því að heimsækja þær, þótt eflaust sé áhugavert að koma þangað. Samkvæmt lista sem ferðasiðan Escape Here hefur tekið saman yfir hættulegustu borgir heims nýtur San Pedro Sula í Hondúras þess vafasama heidurs að vera þar í fyrsta sæti. Hvergi eru framin fleiri morð í heiminum en í þeirri borg, auk þess sem vopnasala er mikið vandamál. Karachi í Pakistan er í öðru sætinu, ekki sist vegna fjölda hryðjuverka og óstöð-ugs stjórnmálaástands. Í þriðja sæti er Kabúl í Afganistan en þar hefur um árabílikt stríðsástand og hryðjuverkaárásir eru tíðar. Sömu sögu er að segja um Bagdad í Írak, sem er í fjórða sæti, en þar má búa við árasum hvenær sem er. Í fimmta sæti er Acapulco í Mexíkó og þar á eftir koma Gvatemala í samnefndu landi, Rio de Janeiro í Brasilíu og Höfðaborg í Suður-Afríku.

# BO RG AÐU M I N N A F Y R I R M E I R A W O W

## Settu starfsfólkið í fyrsta sæti

WOW Biz er fyrir þá sem vilja aukin þægindi, einfaldleika og greiða leið inn í vélina. Innifalið er hraðferð um borð, máltíð, forfallavernd og sömuleiðis BigSeat, eða besta sætið sem er í boði hverju sinni. WOW air flýgur einu sinni til tvisvar á dag til allra helstu viðskiptaborga Evrópu og Ameríku. WOW Biz er kjörin leið fyrir þá sem þurfa að komast hratt og örugglega milli staða.

### WOW Biz

Sumir þurfa einfaldlega meira WOW en aðrir.